

Na osnovu člana 108. Zakon o odgoju i obrazovanju u osnovnoj i srednjoj školi u Kantonu Sarajevo ("Službene novine Kantona Sarajevo", broj: 27/24), člana 24. Zakona o zaštiti od požara i vatrogastvu („Službene novine Federacije BiH“, broj: 64/09 i 77/25), Školski odbor je na 70. sjednici održanoj 06.11.2025.godine, jednoglasno usvojio:

P R A V I L N I K

o zaštiti od požara

I. OPŠTE ODREDBE

Član 1.

Ovim Pravilnikom određuju se osnovna prava i obaveze, kao i odgovornosti direktora, odgovornog lica koje je zaduženo za provođenje mjera zaštite od požara i svih uposlenika u vezi sa sprječavanjem izbijanja požara, otklanjanjem opasnosti od požara i spašavanjem ljudi i materijalnih dobara ugroženih požarom u JU OŠ „Hašim Spahić“ Ilijaš, ul. Krajiška bb, Ilijaš.

Direktor može ovlastiti pravno lice registrirano za obavljanje poslova iz oblasti zaštite od požara koje ima odgovarajuće stručne kadrove i opremu i sredstva za vršenje tih poslova, koje će se za njihove potrebe provoditi mjere zaštite od požara, što se vrši zaključivanjem ugovora sa tim pravnim licem.

Član 2.

Zaštita od požara obuhvatila je skup mjera i radnji, koje se utvrđuju i preduzimaju u cilju sprječavanja nastanka, lokacije gašenja požara i spašavanje ljudi i materijalnih dobara iz prostora koji može biti ugrožen požarom. Zaštita od požara se organizuje i sprovodi u svim objektima, radnim i drugim prostorijama, a prvenstveno u onim prostorima gdje postoji opasnost od izbijanja požara.

Član 3.

Ovim Pravilnikom u skladu sa vrstom djelatnosti koju obavlja i procesom rada u JU OŠ „Hašim Spahić“ Ilijaš, ul. Krajiška bb, Ilijaš, uređuju se pitanja koja se odnose na organizaciju i funkcionisanje zaštite od požara u svojim objektima i prostorima, i to:

- način organizovanja i ostvarivanja zaštite od požara u skladu sa zakonom i pod zakonskim propisima,
- utvrđuju se mjere za provođenje i unaprijeđenje zaštite od požara,
- propisuje se način upoznavanja uposlenih sa opasnostima od požara na radnom mjestu; prilikom prijema i raspoređivanja uposlenih na radno mjesto, kao i prilikom premještanja sa jednog na drugo radno mjesto,
- određuju se dužnosti i odgovornosti svih uposlenih u provođenju propisanih mjera zaštite od požara;
- uređuju se obaveze i način stručnog osposobljavanja uposlenika, za provođenje mjera zaštite od požara na radnim mjestima, kao i izrada posebnih radnih upustava za uposlenike koji su raspoređeni na radna mjesta za koja se, zbog postojanja povećane opasnosti od požara, moraju predvidjeti posebne mjere zaštite od požara,
- određuje se uposlano lice ili firma koje će biti zaduženo da se stara o provođenju mjera zaštite od požara utvrđenih ovim Pravilnikom s tim da taj uposlenik ili firma bude stručno osposobljeno za uspješno obavljanje poslova iz oblasti zaštite od požara,
- utvrđuje se sadržaj i način donošenja Plana zaštite od požara i način provođenja tog Plana;
- uređuje se način vršenja unutrašnje kontrole provođenja predviđenih mjera zaštite od požara i način vođenja evidencije o provođenju propisanih mjera zaštite od požara,
- određuje se mjesto i prostori u kojima mora biti zabrana proizvodnje, korištenje i prenošenje otvorene vatre,
- utvrđuju se dužnosti i način ponašanja uposlenika u slučaju pojave požara,
- određuje se disciplinska odgovornost za uposlenike zbog nepridržavanja propisanih mjera zaštite od požara.

Mjere za zaštitu od požara propisane ovim Pravilnikom dužni su da sprovede svi uposlenici, a također sva lica koja se u bilo kom vidu nalaze ili zadržavaju u objektima, pomoćnim prostorijama u JU OŠ „Hašim Spahić“ Ilijaš, ul. Krajiška bb, Ilijaš.

II. MJERE ZAŠTITE OD POŽARA

Član 4.

Opšte mjere za zaštitu od požara u JU OŠ „Hašim Spahić“ Ilijaš, ul. Krajiška bb, Ilijaš, su:

- izbor lokacije i dispozicija građevine, kao i izbor materijala, uređaja, instalacija i konstrukcija kojim će se spriječiti ili svesti na najmanju mjeru mogućnost izbijanja i širenja požara,
- izgradnja prilaznih puteva i prolaza za vatrogasna vozila i tehniku,
- izgradnja požarnih stepeništa i pomoćnih izlaza,
- osiguranje potrebnih količina vode i drugih sredstava za gašenje požara,
- zabrana upotrebe otvorene vatre i drugih izvora paljenja na mjestima i prostorima gdje bi zbog toga moglo doći do požara,
- izbor i održavanje tehnoloških procesa i uređaja kojima se osigurava sigurnost protiv požara,
- postavljanje uređaja za javljanje, gašenje i sprečavanje širenja požara, uređaja za mjerenje koncentracije zapaljivih i eksplozivnih gasova, para ili prašine u vazduhu i drugih uređaja za kontrolu sigurnog odvijanja tehnološkog procesa,
- održavanje i kontrola ispravnosti uređaja i instalacija čija neispravnost može uticati na nastanak i širenje požara,
- obuka svih uposlenika i građana u praktičnoj upotrebi aparata za gašenje požara, kao i drugih priručnih sredstava i opreme za gašenje požara.

Član 5.

Električne, ventilacione, gasne, toplovodne, gromobranske i druge instalacije i uređaji, kao i dimovodi moraju se projektovati, postaviti, odnosno izvoditi, koristiti i održavati prema propisanim tehničkim normativima i standardima koji se odnose na ta pitanja, kao i uputstvima proizvođača o čemu mora postojati dokumentacija.

Instalacije i uređaji iz stava 1. ovog člana, kao i dimovodi i ložišta mogu se upotrebljavati samo ako su ispravni i ako su pravilno postavljeni, što se utvrđuje atestom o ispravnosti instalacija.

Član 6.

Boce punjene gasovima pod pritiskom (boce za popan butana i dr.) ne smiju se držati po hodnicima, stubištima i drugim prostorijama u kojima mogu doći do ruku neovlašćenih i nestručnih lica.

Na mjestima upotrebe može se držati samo jedna boca odgovarajućeg plina, a rezerve se moraju čuvati u skladištima namijenjenim za ovu svrhu.

Član 7.

Rukovanje sa bocama punjenim gasovima pod pritiskom može se povjeriti samo licima koja su obučena za ove poslove.

Član 8.

Prenosni aparati za početno gašenje požara moraju se redovno ispitivati prema uputama proizvođača odnosno standardima. Ispitivanje može vršiti pravna lica koja su registrirana i ovlaštena za tu djelatnost. Za vrstu aparata koje posjeduje JU OŠ „Hašim Spahić“ Ilijaš, ul. Krajiška bb, Ilijaš pregled se vrši svakih šest mjeseci.

O izvršenim ispitivanjima i pregledima sačinjava se zapisnik koji sadrži: datum ispitivanja, identifikacijske podatke aparata, ime uposlenika koji vrši ispitivanje i datum izvršenog pregleda i nedvosmisleni konstatciju o ispravnosti aparata.

Član 9.

Direktor JU OŠ „Hašim Spahić“ Ilijaš, ul. Krajiška bb, Ilijaš, je dužan da obezbjedi upoznavanje uposlenika sa opasnostima od požara, kao i sa mjerama i sredstvima za gašenje požara, praktičnom upotrebom prenosnih aparata za početno gašenje požara kao i sa materijalnom i drugom odgovornošću zbog nepridržavanja propisanih mjera zaštite od požara.

Provjera znanja uposlenika iz prethodnog stava vrši se najmanje jedanput u dvije godine o čemu mora postojati dokumentacija, a naročito za uposlenike koji rade sa zapaljivim tečnostima i gasovima.

III. ODGOVORNOSTI

Član 10.

Direktor ima sljedeće dužnosti:

- donosi opšte akte kojima se uređuje zaštita od požara,
- razmatra izvještaje o stanju zaštite od požara,
- odobrava finansijska sredstva za izvršenje utvrđenih zadataka u vezi sa zaštitom od požara,
- određuje uposlenika ili firmu koja bi kao odgovorno lice provodio propisane mjere zaštite od požara,
- pokreće postupak za utvrđivanje odgovornosti za povredu radnih obaveza nastalih nepridržavanjem mjera zaštite od požara,
- brine se da se bezuvjetno izvršavaju i sprovode sve odredbe ovog Pravilnika, odluke, zaključci, i drugi akti koji se odnose na zaštitu od požara,
- vrši nabavku potrebnog broja aparata i uređaja za gašenje požara.

Član 11.

Odgovorno lice ili društvo koje se brine o zaštiti od požara ima sljedeće dužnosti:

- brine se o ispravnosti električne, toplovodne, gromobranske, dimovodne i druge instalacije,
- drži u pripravnosti u ispravnom stanju uređaje, alat i opremu za gašenje požara na mjestima koja su lako pristupačna,
- brine se o redovnoj kontroli aparata za početno gašenje požara (svakih 6 mjeseci),
- brine se o vršenju obuke uposlenika, kao i provjere znanja uposlenika iz oblasti zaštite od požara,
- obezbjeđenje prohodnosti svih požarnih prilaza i prolaza,
- zabranjuje upotrebu otvorene vatre i drugih izvora paljenja u prostorijama u kojim bi zbog toga moglo doći do požara,
- redovno dostavlja izvještaje o stanju zaštite od požara direktoru,
- vodi svu potrebnu evidenciju iz oblasti zaštite od požara,
- dostavlja izvještaje nadležnim organima (inspekcija zaštite od požara) o svim nedostacima i nepravilnostima u vezi sa zaštitom od požara,
- zabranjuje rad na objektima, uređajima i instalacijama ako primijeti da postoji neposredna opasnost od nastanka požara, ukoliko se takva opasnost na drugi način ne može otkloniti,
- zabranjuje rad uposleniku koji grubo krši propise o zaštiti od požara ili na drugi način predstavlja opasnost da izazove požar,
- u slučaju nastanka požara organizira akciju gašenja početnog požara i rukovodi njome, a ako požar ne može ugasiti poziva vatrogasnu jedinicu i direktora, a do njihovog dolaska sprječava širenje požara,
- vrši i druge poslove u vezi sa zaštitom od požara s utvrđenim važećim propisima ili naređenjem od ovlaštenih lica.

Član 12.

Svaki uposlenik ima sljedeće dužnosti:

- da se pridržava svih propisanih mjera zaštite od požara utvrđenih zakonom i drugim propisima, kao i uputama i upozorenjima odgovornog lica odnosno direktora,
- da se prilikom stupanja na rad upozna sa propisima i mjerama zaštite od požara vezano za poslove koje obavlja, praktičnom upotrebom prenosnih aparata za početno gašenje požara i sa materijalnom i drugom odgovornošću usljed nepridržavanja propisanih mjera zaštite od požara,
- da u toku rada stalno upotrebljavaju svoje znanje iz oblasti zaštite od požara i obavezno prisustvuje kursevima koji se organizuju radi obuke u vezi sa zaštitom od požara,
- da se služi u slučaju potrebe svim sredstvima i opremom za zaštitu od požara, da ova sredstva i opremu namjenski koristi da pažljivo rukuje opremom, istu održava ispravnom stanju kao i da je ne udaljava od određenog mjesta,
- da obavijesti odgovorno lice o svim kvarovima, nedostacima i drugim pojavama na instalacijama i uređajima koji bi mogli izazvati požar,
- da poslije završenog rada pregleda okolinu i da isključi el. energiju i druge energetske medije kada za njihovom potrošnjom prestane potreba,
- da se stara o prohodnosti svih prilaza, hodnika, stepeništa, a naročito požarnih puteva,
- da učestvuje u spašavanju i pružanju prve pomoći u slučaju nesreće na radu mjestu izazvane požarom, kao i drugim poslovima spašavanja materijalnih dobara bez obzira na propisano radno vrijeme i kvalifikaciju,
- da obavlja i ostale poslove u vezi sa zaštitom od požara koje mu postavi odgovorno lice.

Član 13.

Svaki uposlenik koji primijeti da postoji neposredna opasnost od izbijanja požara ili primijeti požar, obavezan je da opasnost ukloni, odnosno da požar ugasi, ukoliko to može da učini bez opasnosti za ličnu bezbjednost ili bezbjednost drugog uposlenika.

Član 14.

Ukoliko ne može da izvrši obavezu iz prethodnog člana, obavezan je da obavijesti vatrogasnu jedinicu, MUP i sl..

Član 15.

Nepoštivanje odredbi i mjera važećih propisa o zaštiti od požara kao i odredbi ovog pravilnika, naloga nadležnih organa i direktora JU OŠ „Hašim Spahić“ Ilijaš, ul. Krajiška bb, Ilijaš, predstavlja težu povredu radne discipline.

Član 16.

Svaki uposlenik koji primijeti da je učinjena povreda radne discipline zbog nepridržavanja propisanih mjera zaštite od požara dužan je da podnese prijavu nadležnom organu za pokretanje postupka zbog povrede radne discipline.

Član 17.

Svaki uposlenik koji namjerno ili iz krajnje nepažnje prouzrokuje požar dužan je da nadoknadi materijalnu štetu, a u skladu sa važećim propisima.

IV. OBRAZOVANJE UPOSLENIKA

Član 18.

Obrazovanje uposlenika obavlja se po programu zaštite od požara i to;

- za novozaposlene uposlenike,
- u slučaju izmjene tehnološkog postupka rada,
- najmanje jednom u dvije godine obavlja se provjera znanja za sve uposlenike, vezano za rukovanje aparatima, uređajima i sredstvima za gašenje požara.
- za uposlenike koji rade sa zapaljivim tečnostima i gasovima ("Sl. list SR BiH", broj: 15/78).

Član 19.

Program obučavanja izrađuje JU OŠ „Hašim Spahić“ Ilijaš, ul. Krajiška bb, Ilijaš, ili lice stručno osposobljeno za obučavanje uposlenika iz oblasti zaštite od požara.

Član 20.

Obuka uposlenika iz oblasti zaštite od požara sastoji se iz teorijskog i praktičnog dijela. Obuka se vrši za sve uposlenike i na svim poslovima.

Član 21.

Obuku i provjeru znanja iz oblasti zaštite od požara mogu vršiti samo lica sa visokom i višom stručnom spremom koja poznaju oblast zaštite od požara.

Član 22.

O završenoj obuci, odnosno provjeri znanja odgovorno lice vodi odgovarajuću evidenciju.

V. OPREMA ZA GAŠENJE

Član 23.

Objekti, uređaji i radni prostor moraju biti obezbjeđeni sredstvima i opremom za gašenje požara.

Član 24.

Broj i vrstu sredstava i opreme za gašenje požara propisuje Društvo koje je radilo projektnu dokumentaciju, odnosno za to ovlaštena institucija ili Društvo.

Član 25.

Evidenciju sprava i opreme za gašenje požara vodi odgovorno lice.

Član 26.

U slučaju izmjene procesa rada ili namjene objekta potrebno je propisati nova sredstva za gašenje požara u skladu sa izmjenama procesa rada i namjene objekta.

Član 27.

Održavanje sredstava i opreme za gašenje požara obavlja se prema uputama proizvođača te odredaba Zakona o zaštiti od požara i tehničkih propisa.

VI. NADZOR

Član 28.

Pravo nadzora nad provođenjem mjera zaštite od požara ima Federalna inspekcija iz Federalne uprave CZ, Kantonalna inspekcija iz Kantonalne uprave CZ, Federalna inspekcija iz Federalnog MUP-a, Kantonalna inspekcija iz Kantonalnog MUP-a.

Član 29.

Direktor JU OŠ „Hašim Spahić“ Ilijaš, ul. Krajiška bb, Ilijaš, je dužan da inspektoru omogućiti nesmetano vršenje inspekcijskih poslova iz oblasti zaštite od požara i pruži mu sve potrebne podatke i obavještenja u vezi zaštite od požara.

Član 30.

Nepridržavanje odredaba ovog Pravilnika predstavlja težu povredu radne obaveze.

Član 31.

Ukoliko ovim Pravilnikom nisu regulirana neka pitanja iz oblasti zaštite od požara, primjenjivat će se neposredno odredbe Zakona o zaštiti od požara i vatrogastva ("Sl. novine F BiH", broj: 64/09 od 12. 10. 2009. god.) i drugih propisa iz oblasti zaštite od požara.

Član 32.

Ovaj Pravilnik stupa na snagu dana 13.11.2025. godine.

Broj: 01-1-1492-3/25

Ilijaš, 06.11.2025. godine

PREDSJEDNIK ŠKOLSKOG ODBORA

Huko Hukić

POTPISNI LIST

Pravilnik o zaštiti od požara sam pažljivo pročitao i u potpunosti razumio

Redni broj	Ime i prezime uposlenika	Datum rođenja	Datum potpisivanja	Potpis uposlenika
1.				
2.				
3.				
4.				
5.				
6.				
7.				
8.				
9.				
10.				
11.				
12.				
13.				
14.				
15.				
16.				
17.				

*Pravilnik o zaštiti od požara
JU OŠ „Hašim Spahić“ Ilijaš,
ul.Krajiška bb
Ilijaš*

18.				
19.				
20.				
21.				
22.				
23.				